

聖濟總錄

吳錫璡著

己4

86416

大德重校聖濟總錄卷第七十五

泄痢門

白滯痢

論曰白滯痢者冷痢之類蓋腸虛受冷留而不去與津液相搏結滯如膿或如凝脂腹痛而下故為白滯痢

治白滯痢及小便白人參湯方

人參

龍骨

當歸切

乾薑炮

白茯苓去黑皮各半兩

甘草

炙剉半兩

厚朴

去麤皮塗生薑汁炙熟一兩

右七味麤搗篩每服五錢匕水一盞半煎至一盞去滓空心服日晚再服如小兒患量大小以意加減

治白滯痢及食不消化黃蘗丸方

黃蘗

去麤皮炙三分

烏梅肉

炒乾一兩

熟艾

微炒一兩

甘草

炙剉半兩

右四味搗羅為末鍊蜜和丸如梧桐子大每服二十五丸空心米飲下日午再服
治白膿痢赤石脂散方

赤石脂

碎一兩

乾薑

炮三分

右二味搗羅為末每服兩錢匕空心米飲調下日晚再服

治白膿及諸痢當歸丸方

當歸

切焙

黃連

去須三分

烏梅肉

乾炒

阿膠

炙燥各半兩

右四味搗羅為末鎔蠟和丸梧桐子大每服空心溫粥飲下二十九丸日午服再

治白帶痢及腹痛不止陳麴湯方

陳麴

炒黃半兩

黃連

去須炒

厚朴

去粗皮塗薑汁炙紫色各一兩

附子

炮裂去皮臍

乾薑

炮各半兩

右五味剉如麻豆每服五錢匕水一盞半煎至八分去滓空心服日晚再服

治白帶痢心腹脹滿不下食豆蔻湯方

肉豆蔻

去殼

甘草

炙剉各半兩

厚朴

去粗皮塗生薑汁炙紫色一兩半

乾薑

炮半兩

右四味麴搗篩每服三錢匕水一盞煎至七分去滓空心溫服日午再服

治白帶痢及水痢日夜一二十行心下痛白朮湯方

白朮

三分

甘草

炙剉半兩

黃蘗

去粗皮炙

龍骨

各半兩

厚朴

去粗皮塗薑汁炙令紫色一兩

右五味麴搗篩每服五錢匕水一盞半生薑三片同煎至八分去滓空心溫

服日晚再服

治冷白滯痢及腹痛附子湯方

附子

炮裂去皮臍一兩半 乾薑

炮一兩半 赤石脂

兩 芍藥

甘草

炙剉各半兩

當歸

切焙

龍骨

各一兩半

白朮

二兩

人參

三分

牡蠣

熬一兩半

右一十味剉如麻豆每服五錢匕水一盞半煎至八分去滓空心溫服日晚再服有膿加厚朴一兩去麤皮薑汁塗炙紫色若嘔加陳橘皮一兩湯浸去

白焙

治白滯痢龍骨丸方

龍骨

一兩半

乾薑

炮半兩

附子

炮裂去皮臍一兩半

右三味搗羅為末醋煮麴糊丸如梧桐子大食前米飲下十五丸

治脾胃氣虛滑泄下痢白膿厚朴湯方

厚朴

四兩去皮塗薑汁炙令紫

乾薑

炮二兩

右二味麴搗篩每服三錢匕漿水一盞煎至六分去滓溫服食前

治丈夫婦人久患白滯痢如魚腦阿魏丸方

阿魏

別研一分

桂

去麤皮為末半兩

木香

為末半兩

獨頭蒜

二顆煨熟去皮研爛

安息香

別研酒浸一分

右五味再同研極細溫酒和丸如梧桐子大每服三十丸空心陳米飲下日

午再服

治白滯痢腹藏撮痛豆蔻丸方

肉豆蔻

越裏煨熟為末

草豆蔻

麤蟲煨熟為末

縮沙人

母丁香

各一兩

木香

沉香

剉

墨

燒紅為末各半兩

地榆

二兩

枇杷葉

去毛炙一兩

右九味搗羅為末燒粟米飴和丸如櫻桃大每服二丸米飲化下食前服

治白痢多膿腹中疴痛黃芩丸方

黃芩

去黑心

黃連

去須

黃蘗

去麤皮各一兩半

吳茱萸

湯洗焙乾炒一兩

訶梨勒皮

炒二兩半

右五味搗羅為末鍊蜜和丸如梧桐子大每服四十丸食前橘皮湯下日再

治藏寒下痢白膿心腹疴痛薑附散方

乾薑

炮

附子

炮裂去皮臍

訶梨勒皮

煨取

龍骨

各一兩

右四味搗羅為散每服三錢匕煎烏梅湯空心調下

治白滯痢久不差黃連湯方

黃連

去須炒

厚朴

去粗皮生薑汁炙各二兩

右二味麤搗篩每服五錢匕水一盞半煎至八分去滓食前服

冷痢

論曰下痢其色或青或白或黑者皆冷痢也此因腸胃虛弱寒氣乘之故令人大便痢下青黑若其痢色白而食不消者寒中也當診其脈沉則生浮則死其人素有積寒即成久冷痢有膿也

治冷痢肉豆蔻湯方

肉豆蔻

去殼

甘草

炙剉各一兩

右二味麤搗篩每服五錢匕水一盞半煎至八分去滓空心日午溫服

治久冷痢枳殼湯方

枳殼

去瓢

甘草

炙剉各半兩

赤茯苓

去黑皮

乾薑

炮各一兩

厚朴

去麤皮

薑汁炙一兩半

右五味麤搗篩每服五錢匕水一盞半煎至八分去滓溫服空心日午二服

治冷白滯痢腹痛牡蠣湯方

乾薑

炮

當歸

切焙

龍骨

煨

白朮

各三分

附子

炮裂去

甘草

炙

人參

芍藥

各半兩

牡蠣

煨三分

赤石脂

一兩

右一十味剉如麻豆每服五錢匕水一盞半煎至八分去滓空心食前溫服

日三服或下膿加厚朴去麤皮以薑汁炙一兩或嘔逆加陳橘皮湯浸去白焙一兩

治冷痢不調水痢不止黃連散方

黃連去鬚炒

無食子燒令烟盡存性

黃蘗去麤皮炙

酸石榴皮炒

乾薑炮各一兩

右五味搗羅為散每服三錢匕空心日午米飲調服

治冷痢及赤白滯下附子湯方

附子炮裂去皮臍半兩

黃連去須炒一兩 阿膠炙令燥三分

甘草炙剉

乾薑炮各半兩

赤石脂

厚朴去麤皮薑汁炙各一兩

右七味剉如麻豆大每服五錢匕水一盞半煎至八分去滓溫服空心食前

日三

治冷痢疴痛腸滑不差黃連湯方

黃連

去須炒半兩 阿膠炙令燥

當歸焙切

乾薑炮各三分

鼠尾草洗淨慢火焙乾三分

右五味麤搗篩每服四錢匕若冷甚白多以酒一盞半煎至八分去滓空心溫服日午再服若熱及不痛即去乾薑當歸用水煎依前服

治冷痢熟艾湯方

甘草

炙剉

乾薑

炮

赤石脂

各半

熟艾

炒

附子

炮裂去皮臍各半兩

黃連

去須炒一兩

阿膠

炙令燥三分

右七味剉如麻豆每服三錢匕水一盞煎至七分去滓空心食前溫服日三

治冷痢厚朴飲方

厚朴

去粗皮薑汁炙一兩

肉豆蔻

去殼半兩龍骨

白朮

各三分

右四味剉如麻豆每服四錢匕水一大盞入生薑三片同煎至七分去滓空

心食前溫服日三

治冷痢下色白食不消甘草湯方

甘草

炙剉半兩

黃連

去須炒

附子

炮裂去皮臍各三分

阿膠

炙令燥半兩

右四味剉如麻豆每服五錢匕水一盞半煎至八分去滓空心日午溫服日二

治冷痢訶黎勒湯方

高良薑

白芍藥

枳殼

去瓤炒

白茯苓

去黑皮各半兩

訶黎勒

炮去核三分

厚朴

去麤皮薑汁炙三分

右六味咬咀如麻豆每服五錢匕水一盞半入生薑三片煎至八分去滓空

心食前溫服日三如腹脹加人參半兩甘草半兩炙

治冷白帶痢腹痛龍骨湯方

龍骨

半一兩

當歸

焙切

厚朴

去粗皮姜汁炙各一兩

赤石脂

半一兩

右四味麤搗篩每服五錢匕水一盞半煎至八分去滓空心食前溫服日三或熱加白頭翁三分水洗曬乾牡蠣一兩燒令赤

治一切冷痢附子丸方

附子

炮裂入水少時去皮臍

乾薑

炮

熟艾

微炒為末各一兩

右三味搗羅為末以新汲水調麴拌和為丸如彈子大每服二丸用麴一錢匕以水一盞半化開煎三五沸空心服之服後覺熱以飯壓之或患冷病丸如梧桐子大空心米飲下三十丸至五十丸

治大腸積冷下痢不止裏急後重疼痛五神散方

乾薑

炮

訶梨勒

炮去核

延胡索

各一兩

烏梅

去核半兩

附子

炮裂去皮臍半兩

右五味為麤散和白麴裏慢火內燒令麴熟為度去麴焙乾搗羅為細散每服一錢匕空心食前米飲調下

治冷極泄瀉久作腸滑不禁不欲飲食玉粉散方

硫黃

研如粉 一兩

附子

炮裂去皮臍

紅豆

乾薑

炮各一兩 同搗羅為末

右四味再同研令極細每服一錢匕稀粟米粥調候溫冷得所服之

治大腸虛滑冷痢日夜不止火輪散方

附子

炮裂去皮臍 一兩

肉豆蔻

去殼 半兩 乾薑 炮一分

右三味搗羅為散每服一錢匕陳粟米飲調下空心食前服

治脾胃虛冷下痢滑泄不思飲食和一切冷氣訶梨勒湯方

訶梨勒

炮去核

厚朴

去麤皮 薑汁炙

甘草

炙

白朮

草豆蔻

去皮

陳橘皮

湯浸去白 焙各一兩

右六味麤搗篩每服三錢匕水一盞入生薑三片棗二枚擘破同煎至七分

去滓食前溫服

治脾藏冷滑不止腹痛疝刺和陰氣進食烏頭湯方

烏頭

生去皮臍 兩切作片子

益智

去皮 三兩

乾薑

生

青橘皮

湯浸去白 焙各二兩

懷香子

炒一兩

右五味剉如麻豆每服二錢匕水一盞入鹽少許煎至六分去滓溫服如小

腸氣攻刺急煎一兩服熱服

治冷痢久不差乾薑丸方

乾薑炮

附子生去皮臍

赤石脂

黃連去須各一兩

右四味搗羅為末麴糊和丸如梧桐子大每飲下二十九丸加至卅丸日三服

治冷痢不消化食已腹中脹痛氣滿地榆丸方

地榆六兩

赤石脂

龍骨各一兩三分

烏梅肉炒

厚朴去麁皮生薑汁炙

乾薑炮各一兩半

黃連去須二兩半

白朮

當歸切焙

艾葉炒各一兩一分

甘草炙剉一兩

右一十一味搗羅為末鍊蜜和丸如梧桐子大每服三十九丸米飲下空心食

前日二服

治冷痢久不差臍腹痛時下白膿食物不消茱萸人參丸方

乾薑炮

陳麴炒各四兩

附子炮裂去皮臍二兩

食茱萸炒

人參

芍藥

桔梗炒

枳實炒

甘草炙剉各一兩

右九味搗羅為末鍊蜜和丸如梧桐子大每服三十九丸米飲下空心食前

治冷痢下膿血臍腹痛脹滿食不消化吳茱萸丸方

吳茱萸湯洗焙乾炒

乾薑炮各一兩半

赤石脂

陳麴炒各二兩

厚朴

去麤皮生薑汁炙

當歸

切焙各四兩

右六味搗羅為末鍊蜜和丸梧桐子大每服三十九丸米飲下空心食前日服治冷膿痢腹痛不止黃連散方

黃連

去須炒

厚朴

去麤皮生薑汁炙各一兩

乾薑

炮

木香

一半生一半炒

甘草

炙

阿膠

燥

陳麴

炒各三分

訶梨勒皮

一半生一半煨一兩

右八味麴搗羅為散每服二錢匕米飲調下

治遠年冷痢食物不化或青或黃四肢沉重起即目眩兩足逆冷時苦轉筋赤石脂丸方

赤石脂

艾葉

炒各一兩

乾薑

炮三兩

烏梅肉

炒五兩

蜀椒

去目并開口者炒出汗三百粒

右五味搗羅為末鍊蜜和丸梧桐子大每服廿丸米飲下空心食前日三服治冷痢四白散方

龍骨

白石脂

胡粉

蒸令黃

白礬

燒成灰各半兩

右四味搗研為散每服二錢匕米飲調下

熱痢

論曰凡痢色黃色赤并熱也甚則下血汁此由腸胃虛弱邪熱之氣乘虛入客

於腸間故其證下痢黃赤或血雜下腹間熱痛小便赤澀身熱煩渴故謂之熱痢

治熱痢不止生地黄湯方

生地黄

半兩

甘草

炙一分

地榆

三分

右三味咬咀如麻豆大水二盞煎至一盞去滓分溫二服空心日晚再服

治熱毒痢注下赤黃苦參丸方

苦參

陳橘皮

湯浸去白焙

獨活

去蘆頭

阿膠

生用

藍青

黃連

須去

鬼白

黃蘗

去麤皮

甘草

炙

右九味等分除阿膠外為末以水煮阿膠和併手丸如梧桐子大每服十丸

米飲下日三服治卒下痢大良

治諸熱痢不差烏梅丸方

烏梅肉

炒

黃連

去須各四兩

右二味搗羅為末鍊蜜和丸如梧桐子大每服二十丸米飲下日二夜一服

治熱痢無度黃連散方

黃連

去須一兩

雞子

二枚

右二味搗羅黃連為散取雞子白和藥為餅子燒令黑再搗羅為細散每服三錢匕空心粥飲調下日晚再服

治一切熱痢黃連丸方

黃連

去須兩半 二羚羊角

鎊

黃蘗

去麤皮各一兩半

赤茯苓

去黑皮半兩

右四味搗羅為末鍊蜜為丸如梧桐子大每服二十九薑蜜湯下暑月下痢用之尤驗

治挾熱痢多下赤膿黃連散方

黃連

須去

竈突中黑塵

各一兩

右二味搗羅為細末每服二錢匕溫酒調空心服日再

治夏月暴下熱痢甘草湯方

甘草

炙剉半兩

生薑

切一分

生蜜

合一

右三味用漿水五合同煎至四合去滓空心溫分二服

治熱痢腹內疴痛日夜百行氣欲絕黃連湯方

黃連

去須一升

附子

炮裂去皮臍一兩

龍骨

白朮

各二兩

阿膠

炙

乾薑

炮

當歸

焙

赤石脂

各三兩

右八味咀咀如麻豆大每服五錢匕水一盞半煎至八分去滓溫服

治熱痢蒲根湯方

蒲根剉二兩 粟米淘二合

右二味以水三盞煎取一盞半去滓分溫二服空心日午再服

赤痢

論曰熱痢之甚者為赤痢本由腸虛為風邪所傷又挾邪熱血得熱而妄行乘虛必湊滲入腸中與痢相雜其色純赤名為赤痢若腸虛不復則為久赤痢變成嘔噦瘡蠱之候矣

治痢下黃赤水或黃赤膿四肢煩皮膚冷者黃蘗丸方

黃蘗去粗皮 黃連去須炒 熟艾半兩 黃芩去黑心一分

右四味搗羅為末用白蜜三兩鍊熟入蠟一兩鎔化入前藥末和搗丸如梧

桐子大每服三十丸空心米飲下日晚再服

治諸熱毒痢下黃汁及如赤爛豆如赤帶狀又如魚腦壯熱牡蠣湯方

牡蠣研過 白頭翁焙 當歸切 犀角鎔 艾葉炒 甘草炙

桑寄生剉各半兩 黃蘗去粗皮 黃連去須 黃芩去黑心 升麻

酸石榴皮

炙各三分

右一十二味麤搗篩每服五錢匕水一盞半煎至一盞去滓空心溫服日午再服

治赤痢腹痛四肢羸困伏龍肝丸方

伏龍肝

艾葉炒

木香

地榆

阿膠炙令燥

當歸炒切

黃連

去須炒

赤芍藥

黃芩

去黑心各一兩

右九味搗羅為末鍊蜜丸如梧桐子大每服三十丸溫粥飲下不拘時

治暴赤痢如鷺鴨肝其痛不可忍黃連湯方

黃連

去須炒

黃芩

去黑心各二兩

右二味麤搗篩每服三錢匕水一盞煎至七分去滓熱服不拘時

治赤痢腹內疼痛無食子丸方

無食子

地榆各半兩

黃連

去須炒一兩半

酸石榴皮

一兩黃蘗去粗皮蜜炙二兩

右五味搗羅為末醋煮麤糊丸如梧桐子大每服十五丸食前溫米飲下

治赤痢及赤白等痢茯苓丸方

赤茯苓

去麤皮

當歸

黃連

去須炒

黃蘗

去麤皮各一兩

右四味搗羅為末鍊蜜丸如梧桐子大每服二十丸空心米飲下赤白痢加阿膠末一兩

治熱痢香連丸方

木香

黃連去須炒

甘草劉矢

肉豆蔻去殼

右四味等分搗羅為末沙糖和丸如梧桐子大每服十五丸空心米飲下更以意加減

治諸痢久不差黃連丸方

黃連去須炒烏梅肉炒乾一兩

亂髮灰汁洗淨燒灰三兩

右三味搗羅為末用蜜二兩半鍊熟入蠟一兩醋二合羊脂一兩煎令蠟化入前藥末於銅器中重湯熬令可丸即丸如梧桐子大每服三十丸空心米飲下日再

治一切痢二黃丸方

黃蘗去麤皮黃連去須炒羚羊角鎔

赤茯苓去黑皮各半兩

右四味搗羅為末鍊蜜丸如梧桐子大每服三十丸空心米飲下日再薑湯亦得